

驟職太高兼管太多舉行太踈之致而龍虎營凡事別將皆主之么麼禁軍口傳亦不能登時奉行別將之獨漏豈成說三將譴罷既從之別將同施其罪時以各營承傳舉行之慢忽有此教○特除李儒敬為右捕盜大將○丙辰○丁巳夜有氣如火○展拜 皇壇省器省牲○罷黃海道觀察使李泰永職泰永狀啓言臣已發巡而回還正使喪柩到黃州境上以瑞興府使李舒永差出假都事使之陪行教曰狀啓甚為駭然揆以朝體事面豈可如彼近來習俗淪薄不識制法本意之死後厚於生時若考五禮儀則其優禮異渥尤何茅迥絕乎其在敦習俗敬大臣之道如許道臣不可仍置方伯之列黃海監司李泰永罷職○教曰體羣臣列於九經之一而事關不敢言仍不提說使位居冢宰者進退維谷既違體下之政亦非為莫重不敢言之本意年前重臣處分即不知重臣錯認䟽與書也追始知其本情之無他犁然渙然前席慰釋在重臣已勘究竟法大抵趙德隣之䟽蕩非為德隣即為其子進道庚辰事也上而辨明伊時事實下而昭暴重臣心跡一舉而兩適其當則朴基正者渠是何人敢於詳諭筵席之前曰可曰否於其間罪固罔赦然猶以不治治之李顯道䟽語之斷斷申復殆若角戰姑未剖示之故有難勒歸之首犯渠以外面粗跡四字筆之於